

## МУРОЖААТ АРИЗА

Ассалому алайкум ҳурматли Зафарбек Жалолов!

Ушбу мазмунда президент сайтига мурожаат қилгандим Денов тумани кадастр бўлимининг "портал ёпиш хизмати" томонидан аризам ёпиб юборилди. Бор йўғи битта кўнгирок қилишди ва ҳатто мурожаатимдаги масалалар билан қизиқишмади ҳам.

Сизларга мурожаат қилишимдан мақсадим шуки, эҳтимол виждонан ўрганарсизлар, таклифларим ва талабларим халқ ва фуқаро манфаати, ишсизликни бартараф этиш бўйича бўлгани сабабли Танзила Норбоевани қизиқтирар деган умидим бор. Денов туманидаги амалдорларга эса, бу муаммоларнинг кизиги йўқдай гўё. Чунки улар ўттиз йиллардан буён амал курсисида ва уларга халқнинг ғами, мамлакат муаммоси, ишсизликни камайтириш ва қишлоқ иқтисодиётини кўтариш деган ташвишлар бир тийин экан. Бунга ёпилган аризам мисолида кўрдим.

... Мен ўзим ўрта-махсус аграномман қишлоқ жойда яшайман. Қишлоқ хўжалиги соҳасида фаолият юритиб, қатор йиллардан буён деҳқончилик билан шуғулланиб келаман. Ўзим Тошкент давлат аграр университети "сабзавотчилик-полизчилик-картошқачилик" йўналишида таҳсил ҳам олаётиман.

Мурожаатимдан муддао шуки, йилдан-йилга деҳқончилик қилиш учун ер олишимиз муаммо бўлмоқда. Шу сабабли, ўзим яшайдиган ҳудуддан 15-гектар ер олиб сабзавотчилик ва полиз маҳсулотлари етиштириш билан шуғуллансам дейман. Агар менга 15-гектар ер ажратилса нафақат полиз ва сабзавотчилик, келажакда ишни ривожлантириб интенсиив боғлар ва ҳатто инвестиция киритиш салоҳиятим ҳам мавжуд. Шу сабаб журъат билан ушбу мурожаатни қилишга қарор қилдим.

Атрофимда фермерлар, кластерлар ерлари мавжуд. Гарчи ерни бир экинга олиб мавсумий деҳқончилик қилсамда, қишлоқ хўжалиги илмида атрофимдаги фермерлардан билим ва салоҳиятимни кам демайман. Шу вақтгача доимий равишда юқори ҳосил олиб, унумли маҳсулот етиштириб, бир сўз билан айтганда яхши деҳқончилик қилиб келаман. Афсуски, иқтидор ва ҳаракат бўлгани билан имкон берилмаса қийин экан. Бу ёғи қишлоқ жойда яшаганим боис бошқа соҳада тирикчилик ҳам қилишнинг иложи йўқ.



Фабрика, завод ёки бошқа иш ўрни бўлмаса, бир томондан ўзим ҳам ўғлим ҳам контракт асосида таҳсил оляпти.

Яна бир муҳим жиҳат, агар менга юқоридаги талабим бўйича ер ажратилса, олинган даромад ва фойда ҳисобидан маҳаллада дзюдо зали, сузиш ҳавзаси, маҳалла маиший хизмат кўрсатиш шаҳобчалари ва ҳатто маҳалла гузаригача барпо этиш мумкин. Бунга гоё ва режаларим бор.

Ҳурматли Сенат! Агар сизлар халқ турмуш тарзи, мамлакатимиз ҳаётини ижобий ўзгаришларда кўрмоқчи бўлсангиз менинг ушбу мурожаатимни ўрганиб, ўзимнинг иштирокимда кўриб чикинг. Денов тумани раҳбарларини бу таклифларим билан қизиқишга (профессионал ариза ёпгичлар томонидан ёпишга эмас!), ҳеч бўлмаса бирор марта виждонан ҳал этишга ҳаракат қилингизлар. Ахир сизлар ҳам сўз бергансизлар, ваъда бергансизларку халқ олдида.

Ҳурматли Сенат, ҳурматли раҳбарлар! Менинг ушбу талаб ва таклифларимни ижобий ҳал этишга ҳаракат қилингизлар. Илтимос, Денов туманининг бир тийинга қиммат бўлган, эскидан бюрократ ва сарсонгарчиликнинг уяси бўлган кадастр идорасига юборманглар! Бу идора бефойда!

Сизлардан илтимос, менга сабзавотчилик ва полиз маҳсулотлари етиштириш (келажакда интенсиив боғ ва инвестициялар киритиш) борасидаги таклифимни сидқидилдан ўрганган ҳолда ушбу фаолият учун 15-гектар ер ажратилишида амалий ёрдам берсангизлар.

05.01.2021 йил

Р.А. Раджапов

